

Na osnovu član 32. stav. 1 Zakona o javnim nabavkama Bosne i Hercegovine (Službeni glasnik BiH broj 39/2014), a nakon provedenog postupka u skladu sa članom 8. ZJN BiH i poslatim Pozivom za dostavu ponude "BOSNIA- hoteli i restorani" d.o.o. Sarajevo, broj: 188/17 od 7.3.2017.godine, dana 4.4.2017. godine zaključen je

OKVIRNI SPORAZUM

između:

Javne ustanove "Kamerni teatar 55", Sarajevo, ul. Maršala Tita 56/II, koju zastupa direktor Emir Hadžihafizbegović, (u daljem tekstu Naručilac)

i

„BOSNIA-hoteli i restorani“ d.o.o. Sarajevo, ul. Kulovića br. 9 , kojeg zastupa direktor Amina Malagić (u daljem tekstu Ponuđač)

IB 4200425240009

I PDV 200425240009

TR 1540011100128186

I UVOD

Član 1.

Na osnovu provedenog postupka javne nabavke u skladu sa članom 8. ZJN BiH s namjerom zaključenja okvirnog sporazuma sa jednim ponuđačem za razdoblje od jedne godine - do kraja 2017. godine na osnovu člana 32. Zakona o javnim nabavkama JU Kamerni teatar 55 Sarajevo je odlukom broj: 31-D/17 od 23.3.2017. godine odabrala „Bosnia- hoteli i restorani “ d.o.o. Sarajevo kao najpovoljnijeg ponuđača u skladu sa utvrđenim kriterijima za donošenje odluke o izboru te uvjetima i zahtjevima iz Poziva sa dostavljanje ponude.

Član 2.

Na osnovu ovog okvirnog sporazuma naručilac će izdati narudžbenicu za pružanje usluga smještaja gostujućih umjetnika (učesnika u predstavama) u 2017. godini, za svaku ukazanu potrebu za predmetnim uslugama prema Pozivu za dostavljanje ponuda broj 188/17 od 7.3.2017. godine, prema Ponudi Ponuđača broj 121 od 15.3.2017. godine koja je sastavni dio ovog sporazuma.

II PREDMET I TRAJANJE OKVIRNOG SPORAZUMA

Član 3.

(1) Predmet okvirnog sporazuma je utvrđivanja uslova za izdavanje narudžbenica o javnoj nabavci predmetnih usluga prema Pozivu za dostavljanje ponuda broj 188/17 od 7.3.2017. godine u 2017. godini, za potrebe naručioca, a prema Obrascu sa cijenama koji se nalazi u prilogu ovog okvirnog sporazuma i čini njen sastavni dio.

(2) Ovaj okvirni sporazum se zaključuje za razdoblje od jedne godine - do kraja 2017. godine i tokom navedenog perioda se predviđa izdavanje narudžbenica o javnoj nabavci od strane naručioca kojim će se tačno navesti usluga, vrijeme i mjesto vršenja usluge.

III PROCJENJENA VRIJEDNOST NABAVKE

Član 4.

Procjenjena vrijednost godišnje nabavke predmetne usluge se procjenjuje na iznos do 50.000,00 KM bez PDV-a (slovima: pedesethiljada KM).

Član 5.

Naručilac će na osnovu okvirnog sporazuma izdati pojedinačnu narudžbenicu ponuđaču s kojim je zaključen okvirni sporazum.

Ponuđač je dužan da uslugu izvrši pod uslovima utvrđenim ovim sporazumom bez ponovnog zahtjeva za dostavu ponuda i po cijenama i uslovima utvrđenim ovim sporazumom.

Član 6.

Vrijednost naručene usluge iz člana 4. ne može biti veća od navedenog iznosa i utvrdit će se putem pojedinačnih narudžbi naručioca kojom će biti precizirane stvarne usluge i dinamika vršenja usluga.

Član 7.

Jedinične cijene koje je ponuđač ponudio su nepromjenljive i ne mogu se mijenjati u toku trajanja okvirnog sporazuma.

Član 8.

Naručilac se ne obavezuje naručiti sve usluge do procjenjenog godišnjeg iznosa navedenog u ovom sporazumu.

Okvirni sporazum ne predstavlja ugovor o vršenju usluga, odnosno ne utvrđuje obavezu naručioca da zahtjeva od ponuđača bilo koju uslugu, već se podrazumjeva da ako naručiocu bude potrebna usluga navedena u specifikaciji sa cijenama tada će naručilac tražiti od ponuđača izvršenje usluge.

IV ROK ISPORUKE

Član 9.

Ponuđač se obavezuje izvršiti Uslugu iz člana 2. ovog Okvirnog sporazuma u obimu preciziranom pojedinačnom narudžbom naručioca i dana navedenog u narudžbenici.

V ROK I NAČIN PLAĆANJA

Član 10.

Naručilac se obavezuje Uslugu iz člana 1 ovog Okvirnog sporazuma platiti Ponuđaču u roku od 30 (trideset) dana od dana vršenja Usluge od strane „Bosnia – hoteli i restorani“ d.o.o. Sarajevo na osnovu fakture koju je obavezan ispostaviti Naručilac.

VI OSTALE ODREDBE

Član 11.

U slučaju propusta „Bosnia – hoteli i restorani“ d.o.o. Sarajevo u izvršavanju ugovora, JU Kamerni teatar 55 Sarajevo može uz dostavljanje Ponuđaču pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 12.

Rok trajanja ovog Okvirnog sporazuma utvrđuje se razdoblje od jedne (1) godine - do kraja 2017. godine računajući od dana obostranog potpisa ovog Okvirnog sporazuma, ili po isteku vrijednosti Sporazuma.

Član 13.

Svaka strana može otkazati ovaj sporazum bez obrazloženja sa otkaznim rokom od 30 (trideset) dana.

Član 14.

Ako slučaj više sile potpuno ili djelomično spriječi izvršenje obaveza po ovom Okvirnom sporazumu, svaka strana je obavezna obavijestiti drugu stranu u roku od 2 (dva) dana od dana nastanka više sile.

Član 15.

Strane potpisnice ovog sporazuma su saglasne da će sve eventualne izmjene i dopune ovog Okvirnog sporazuma regulisati njegovim Anexima.

Član 16.

Sve eventualne sporove strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 17.

Ovaj Okvirni sporazum stupa na snagu danom obostranog potpisa obje strana po ovlaštenim licima.

Član 18.

Sve izmjene i dopune ovog Okvirnog sporazuma mogu se vršiti isključivo i samo uz pismenu saglasnost ugovornih strana.

Član 19.

Sastavni dio ovog Okvirnog sporazuma čine:

- Specifikacija sa cijenom iz Ponude „Bosnia – hoteli i restorani“ d.o.o. Sarajevo broj: 121 od 15.3.2017. godine.

Član 20.

Ovaj Okvirni sporazum je sačinjen u 4 (četiri) jednaka primjerka, po 2 (dva) za svaku ugovornu stranu.

Za ponuđača

DIREKTOR



Amina Malagić

Broj: 177/2017

Datum: 05.04.2017.



Za naručioca

DIREKTOR



Emir Hadžihafizbegović

Broj: 157-U/17

Datum: 4.4.2017.